

magnum quod extenditur vsq; in flumen egipti. in quo multo tempore filij israel manserunt de loco ad locū transeuntes. de quo deserto infra latius agetur in secunda huius parte. Et hec de terra ista et locis eius dicta sufficiant.

Cum vero ciuitatis Hierosolyme fundamenta in montibus sanctis teste dauid collocata dicantur. nō incōgruum duxi de montib; israel. p̄sertim q̄ crebro de eis fiat mentio in sacra scriptura paulo amplius disserere. Et primum quidem in genere. deinde in specie de aliquibus.

De montibus Israel in genere.

Montes israel dicuntur montes generaliter totius terre p̄missionis siue fuerint vltra iordanem siue citra. sepe etiam sumuntur p̄ terra decem tribuū que fuit montuosa. p̄cipue in tribu Dan et Effraim. Nam et decem tribus nomen israel sibi vendicauerūt sub Jeroboam filio Naboth qui fuit de effraim. et regnauit primo in samaria super decem tribus. vt habetur iij. Regū. xij. Hi mōtes multū erant pascuales. vberes. fructuosi. et frugiferi oliuis et alijs arboribus fructiferis cōsiti. erant etiam medicinales herbis et speciebus aromaticis pleni vt dicit Isidorus libro. xiiij. capitulo. iij. Nam et tota terra illa quondā variarum opum diues erat. frugib; fertilis. aquis illustribus. optima balsamis. adeo q̄ ob gratiam alimentorū iudei hanc terram melle et lacte fluentē iudicabant. In eius enī montibus propter pascuarum abundantiam. innumerabiliū ouium et pecorū greges et armenta pascebant. Apes etiam innumerabiles in eisdem mellificantes herbarū et florū suauitate dulcissima nutrebant. Fructus et fruges propter acris temperiē et torris abundantiam citissime ad maturitatē in illis montibus ducebantur. Aurum argentum et cetera metallozū genera in illis montibus fodiebant. Deniq; fontes et flumina de venis montium superius p̄grediebantur. Loca munitissima in illis montibus edificabant. Fere siluestres sicut tigrides et leones in illis nemorosis montibus cōuersabantur. Verum quemadmodū reliqua terra illa propter peccata inhabitantiū et frequentes eius vastationes vilis admodū effecta est et pene sterilis atq; infructuosa. Ita et montana illa longe a pristina perierūt vbertate et fecunditate. Quia tamē frequens de eis fit memoria sacra in pagina aliqd̄ vel breuiter de eis dicere haud ab re erit.

Sequitur nunc de montibus Israel in specie.

De montibus Israel in specie et primo de monte Syon.

Syon mons erat in Hierusalem. super cuius verticem erat arx siue turris dauid ibi posita pro decore et defensione ciuitatis. In vno autem latere montis Syon erat templum quasi mediū inter arcem et inferiorē ciuitatē. vt scilicet munitio arcis defenderet templū et templū cū arce p̄tegeret ciuitatē. Et ideo sepe scriptura vocat Hierusalem filiam syon. quia sicut filia protegitur a matre et subditur ipi matri. sic ciuitas inferior templo fuit subdita atq; arce. Tante autē autoritatis et nobilitatis inter ceteros montes fuit mons Syon. q̄ nō solum ciuitas Hierosolyma atq; etiam ipa iudea. verum etiā vniuersalis ecclesia tam ex iudeis q̄ ex gentib; cōgregata sepius in p̄phetis nomine syon designetur. sicut ibi fundantur exultatione vniuersae terre mons syon. latera aquilonis ciuitas regis magni. Nā mons syon fuit mons magne altitudinis et sublimitatis. magne fortitudinis et firmitatis. magne plenitudinis et vbertatis. magne pulchritudinis et amenitatis. maxime cōfidentie et securitatis. maxime opulentiē et locupletatōis. maxime leticie et exultationis. perfecte iusticie et sanctificationis. mons doctrine et eruditionis. sicut scriptum est. De syon erit lex et retributio domini de Hierusalem. mons prophetie et reuelationis. vt ex multis scripturis et eius cōditionibus gloriofis late posset ostendi sed breuitatis gratia his obmissis ad alia referenda pergendum est.